



## Vijeće doktorskog studija

Broj: 110-1-151-195-3

Dana: 29.04.2024. godine

Na osnovu člana 10. stav (3) Pravila studiranja na III ciklusu studija i sticanja zvanja doktora nauka na Univerzitetu „Džemal Bijedić“ u Mostaru, Vijeće doktorskog studija je na 9. sjednici dana 29.04.2024. godine usvojilo sljedeću

## ODLUKU

## o načinu izvođenja i ocjenjivanja prve radionice

## Član 1.

Ovom Odlukom se utvrđuje način izvođenja i ocjenjivanja prve radionice na na Studijskom programu trećeg ciklusa studija iz područja: Društvene nauke, polje: Ekonomija.

## Član 2.

Cilj Radionice I je verifikacija problema i predmeta istraživanja koje student predlaže, prije svega s aspekta relevantnosti, kako naučne tako i društvene. Kako bi se rad formalizovao propisuju se struktura i sadržaj materijala koje student mora pripremiti te prezentovati na Radionici I, a to su:

- Određenje problema istraživanja u okviru odabranog problemskog područja kao konteksta istraživanja.
- Unutar odabranog problema istraživanja treba pobliže odrediti predmet istraživanja koji će se istraživati, a koji je prikladan za doktorski rad. Kao metodičko sredstvo za lakše određivanje predmeta istraživanja može poslužiti postavljanje do 10 povezanih pitanja o problemu istraživanja na koja bi istraživanje trebalo odgovoriti.
- Određivanje predmeta istraživanja iz prethodne tačke treba voditi studenta prema formulaciji radnog naziva teme. Formulacija radni naziv odražava studentovu ideju uz mogućnost da se on kroz naredne radionice mijenja kako bi došao u oblik koji najbolje odražava istraživanje.
- Postaviti i razraditi ciljeve istraživanja te detaljnije obrazložiti opravdanost namjeravanog istraživanja u dosadašnjim naučnim spoznajama.
- Sve naprijed navedeno student treba potkrijepiti postojećim spoznajama na temelju izučene ključne literature koja obrađuje predmet istraživanja doktorskog rada; popis obrađene literature treba naći mjesto u prezentaciji na prvoj radionici.

Ovo je izuzetno važan dio cjelokupnog istraživačkog posla na kojem se zajedno nalaze studenti i nastavnici i čiji je zajednički interes da konačni proizvod bude, što je moguće više, naučno i društveno relevantan. Svi prisutni na radionici su pozvani da komentarima, primjedbama i savjetima pomognu studentu u pročišćavanju njegovih ideja.

### Član 3.

Najkasnije tri dana prije održavanja Radionice I student je dužan voditelju studija elektronskim putem dostaviti tekst i prezentaciju sadržaja radionice i to:

- a. Tekst pisan u Wordu do 15 stranica u kojem se slijedi navedeni scenarij za Radionicu I.
- b. Prezentacija u Power Pointu koja će poslužiti studentu za prezentaciju na Radionici.

### Član 4.

Nakon završene prezentacije student odgovora na pitanja i primjedbe učesnika Radionice. Kompletirane finalne primjedbe sa radionice Voditelj studija u pisanoj formi dostavlja studentu u roku od sedam dana od datuma radionice. Korigovane materijale je student u obavezi dostaviti Komisiji za razmatranje prihvatljivosti prijedloga teme doktorske disertacije, koja na osnovu dostavljenih materijala piše izvještaj o prihvatljivosti prijedloga teme doktorske disertacije. Odluku o prihvatljivosti prijedloga teme doktorske disertacije na osnovu izvještaja Komisije donosi Vijeće i određuje nastavnika (supervizora) koji će usmjeravati kandidata kod pripreme projekta doktorske disertacije (Radionica II).

### Član 5.

Odluka stupa na snagu danom donošenja.



PREDSJEDAVAJUĆI VIJEĆA

Van prof. dr. Veljko Ovčina, voditelj doktorskog studija

#### Dostaviti:

1. Studentskoj službi
2. Voditelju studija
3. a/a